

Broj: 01/1_____/21
Kakanj, __. __. 2021. godine

Na osnovu člana 21. Odluke o komunalnim djelatnostima zajedničke komunalne potrošnje („Sl.novine općine Kakanj“, br. 6/09 i 11/13), člana 24. Statuta Općine Kakanj („Sl.novine općine Kakanj“, broj 4/08) i člana 67. Odluke o izvršavanju budžeta Općine Kakanj za 2021.godinu („Sl.novine općine Kakanj“, broj 3/21), Općinsko vijeće Kakanj na __. sjednici održanoj ____ . ____ .2021.godine usvojilo je

PROGRAM

Utroška sredstava od komunalne naknade za 2021. godinu

I

Planirana sredstva Budžetom Općine Kakanj za 2021. godinu po Programu utroška sredstava komunalne naknade u iznosu od **2.671.870,00 KM**, raspoređuju se po slijedećim namjenama

Red.br.	Naziv projekta	Planirano (KM)
1.	Održavanje i modernizacija javne rasvjete	840.000,00
1.1.	Utrošak električne energije javne rasvjete u gradu i mjesnim zajednicama	700.000 ,00
1.2.	Održavanje i rekonstrukcija javne rasvjete na području općine Kakanj	140.000,00
2.	Zimsko održavanje prohodnosti na saobraćajnicama	210.000,00
3.	Obilježavanje naseljenih mjesta, ulica, trgova i označavanje zgrada brojevima	10.000,00
4.	Održavanje javnih saobraćajnih površina	70.670,00
4.1.	Izrada horizontalne signalizacije u gradu	20.670,00
4.2.	Izrada i postavljanje vertikalne saobraćajne signalizacije u gradu i mjesnim zajednicama	15.000,00
4.3.	Postavljanje i skidanje montažno-demontažnih usporivača brzine na saobraćajnicama	10.000,00
4.4.	Rekonstrukcija stepeništa, ograda, rukohvata i drugi nepredviđeni radovi	25.000,00
5.	Dekoracija općine	13.000,00
5.1.	Postavljanje transparentata i zastava za državne, međunarodne i vjerske praznike i ukrašavanje područja općine	10.000,00
5.2.	Nabavka novih transparentata , zastava i ukrasa	3.000,00

6.	Održavanje spomen obilježja	10.000,00
7.	Održavanje postojeće urbane opreme u gradu i nabavka nove	55.000,00
7.1.	Održavanje postojeće urbane opreme	40.000,00
7.2.	Nabavka urbane opreme	15.000,00
8.	Izgradnja potpornog zida i parkinga ispred zgrade K15 u ul.A.Izetbegovića	26.501,40
9.	Odvodnja oborinske kanalizacije u ul.Rudarska	10.654,00
10.	Završetak radova na izgradnji parkinga kod Veterinarske stanice	13.109,54
11.	Rekonstrukcija ceste na Plandištu - denivelacija	44.928,00
12.	Sanacija ceste kroz Malješ – industrijski put	29.999,65
13.	Završetak radova na izgradnji pristupne saobraćajnice prema stadionu Rudar	44.932,07
14.	Rekonstrukcija ceste u MZ Kakanj II – Ulica Rudi Čajevac (iznad baraka) 20.000KM; iznad šumoničke vode 10.000KM	29.997,88
15.	Izrada glavnog projekta mosta u Modrinju	35.000,00
16.	Asfaltiranje dionice puta u ulici Bradstva i jedinstva kod cementarskog mosta u dužini od 290 metara.	40.000,00
17.	Izgradnja pješačkog mosta naspram objekta „Ušće“ u ulici Branilaca (čelična konstrukcija)	20.000,00
18.	Rješavanje izvorske i oborinske vode u mjestu Čobe	15.000,00
19.	Završetak kanlizacionog sistema (prečistač u Haljinićima)	20.000,00
20.	Nabavka i postavljanje zaštitne mreže na kosinama puta Kakanj – Tršće	20.000,00
21.	Izgradnja saobraćajnice od ulice 7.muslimanske do kružnog toka, naspram zgrada Općinskog suda i Policijske uprave (Okvirni sporazum – 1.200.000,00)	454.878,00
22.	Dio troškova (plate, materijalni trškovi i usluge) Zavoda	648.200,00
23.	Rezervna sredstva	10.000,00
	UKUPNO :	2.671.870,00

II

Realizacija navedenih projekata vršiće se na osnovu validne tehničke dokumentacije i provedene procedure po Zakonu o javnim nabavkama ("Sl.glasnik BiH" br.39/14) i po Zakonu o komunalnim djelatnostima ZDK ("Sl. novine Ze-do kantona" br. 17/08).

III

Za realizaciju projekata po ovom Programu, zadužuje se Zavod za planiranje i izgradnju općine Kakanj.

IV

Ukolikobude spriječena implementacija neke od pozicija u Programu iz bilo kog opravdanog razloga ili se neka pozicija ne implementira u skladu sa planiranim sredstvima Zavod može sredstva preusmjeriti na drugu poziciju gdje se ukaže potreba, ali u okviru istog Programa.

V

O realizaciji utroška sredstava po ovom Programu, Zavod za planiranje i izgradnju općine Kakanj je obavezan podnijeti izvještaj Općinskom vijeću

VI

Ovaj program stupa na snagu danom donošenja, a naknadno će se objaviti u "Službenim novinama Općine Kakanj"

PRESJEDAVAJUĆI OPĆINSKOG VIJEĆA

Slaven Katičić

OBRAZLOŽENJE

Sredstva planirana Programom utroška sredstava komunalne naknade za 2021. godinu koristila bi se po stavkama za slijedeće programe:

1.Održavanje i modernizacija javne rasvjete - 840.000,00 KM

1.1.Utrošak el. energije javne rasvjete u gradu i mjesnim zajednicama – 700.000,00 KM

Ugovor o snabdijevanju električnom energijom (za potrebe javne rasvjete, semafora i fontana na području općine Kakanj u 2021.godini) za tržišno snabdijevanje potpisan je sa Javnim Preduzećem Elektroprivreda BiH d.d. Sarajevo. Snabdjevač će tokom godine ispostavljati mjesečne račune prema stvarno utrošenoj el.energiji sa svih mjernih mjesta na području općine, u skladu sa aktuelnim cijenama koje reguliše FERK za tržišno snabdijevanje el.energijom.

Planirana sredstva u Programu za ovu namjenu su uvećana u odnosu na potrošnju prethodne godine jer su u planu i novi priključci javnih rasvjeta po mjesnim zajednicama.

1.2.Održavanje i rek. postojeće javne rasvjete u gradu i MZ-a- 140.000,00 KM

Ovi radovi se odnose na redovno održavanje javne rasvjete u ispravnom stanju, a to su radovi nazamjeni sijalica, zamjeni dotrajalih rasvjetnih tjela i ugradnji potrebnih spojeva i kablova.

Takođe, u okviru ove stavke se vrše radovi koji se odnose na proširenje mreže i udio u radovima na uspostavi nove mreže, gdje je to tehnički izvodivo.

U toku je postupak javne nabavke za sklapanje Okvirnog sporazuma za održavanje javne rasvjete na području općine Kakanj za period 2021, 2022 i 2023 godina.

Ugovor o izvođenju radova na održavanju postojeće javne rasvjete u gradu i mjesnim zajednicama zaključit će se sa odabranim, najpovoljnijim ponuđačem.

2.Zimsko održavanje prohodnosti na saobraćajnicama - 210.000,00 KM

Planiranim iznosom obuhvaćen je dio zimskog održavanja na području općine Kakanj koji se u skladu sa Zakonom o komunalnim djelatnostima ZDK dodjeljuje JP „Vodokom“ d.o.o. Kakanj.

Zimsko održavanje podrazumijeva održavanje u prohodnom stanju gradskih saobraćajnica i ostalih

javnih površina u gradu (trotoari, parking prostori, platoi, stepeništa, prilazi školama itd...).

U periodu od 15.11. do 15.03. (121) dan, održavati će se slijedeće saobraćajnice:

a. gradske saobraćajnice, parkinzi i trotoari

- Ul.Alije Izetbegovića, ul. Branilaca, ul.7.muslimanske brigade, ul.Rudarska, ul. Mehmeda Skopljaka, ul. Zeničkog partizanskog odreda, Ul. Šehida, ul.Melente Bošnjaka, 4.juli
- transverzale sa mostovima između ul. Alije Izetbegovića i ul.Branilaca,
- parkinzi ispred i iza zgrade bivše Općine i objekta " Bingo" plato ispred zgrade P+4+M , prilazi oko
 - lamela i iza zgrade bivše gradske apoteke, plato tržnice i banke,
- novoizgrađene saobraćajnice u ul. Branilaca i ul. Alije Izetbegovića.
- Mala ulica i gradsko šetalište , prilazi iza zgrada u Maloj ulici, parkinzi oko S-1, S-2 i S-3,
 - prilaz zgradi javnih preduzeća, prilazi oko sportsko - kulturnog centra, parking iza direkcije RMU.
- Plato ispred zgrada P+2, P+3 i P+4, ul. Osmana Đafića, Stadionska i parking zanatskog centra,
 - ul. Stjepana Kovačevića, ul.Rudi Čajavec, lamele kod bivše Kule, ul. 309.brdske brigade, ul.Omera Maslića, V Divizije NOP-a, Podvarda, potez- Egipat-Moca-Elita,
 - ul.Vehbije Kulovića, ul.8.april, ul. Željeznička, ul.Vatrogasna
 - ul.Ivo Lola Ribar, parking kod zgrade „Ara“ , ul. Paše Kubata , ul.Rudi Mali.

-Ul. 1.maj, naselja Bare i Plandište, naselje kod Tvornice cementa, naselja Pope i Varda, ul. Bratstva

i jedinstva, ul.Patriotske lige.

-Ul. Almira Hasagića, Vinski put , 29.novembar i 25.novembar, naselje Povezice, naselje Termoelektrane, ulice u naselju Čatići i ulice u Kraljevoj Sutjesci.

-Trotoari , stepeništa i biciklistička staza

b.prigradske saobraćajnice

-Kakanj – Brnj (Greben-Brnj)

-Kakanj-Koprivnica-D.Banjevac

-Deponija Turbići - Gora

- Deponija Turbići- Poljice

-Kakanj-Alagići-Čizmići-Crnač-Kalfići

-Kakanj-Bičer

-Hrasnice

-Aliefendići

-Brus

-Zgošća

-Rudi Mali- Vrbica

3.Obilježavanje nas. mjesta,ulica,trgova i označavanje zgrada br. – 10.000,00 KM

Predložena sredstva su potrebna za završetak ugovora iz 2019. godine. Kako smo naveli u Izvještaju za 2020. godinu, roba je isporučena ali nije ugrađena. Inače, ova pozicija se planira u skladu sa O D L U K OM o obilježavanju naseljenih mjesta, ulica, trgova, mostova i označavanju zgrada brojevima („Sl. Novine Općine Kakanj“ broj: 05/16 od 05.04.2016. godine) pristupilo se implementaciji projekta.

4. Održavanje javnih saobraćajnih površina – 70.670,00 KM

4.1.Izrada horizontalne signalizacije u gradu – 20.670,00 KM

Horizontalna signalizacija podrazumijeva kvalitetno horizontalno obilježavanje na saobraćajnicama, parkinzima, bus i taxi stajalištima, na način što se iscrtavaju pune i isprekidane linije,ostrva,strelice, pješački prelazi, a sve u cilju bezbjednog odvijanja saobraćaja. Obzirom da je na glavnoj saobraćajnici sva signalizacija urađena kvalitetno i treba da traje par godina, obilježavanje će se raditi više na prigradskim i sporednim ulicama u gradu.

Okvirni sporazum za period 2021, 2022. i 2023. godinu je sklopljen sa društvom " **Buljan ceste "d.o.o. Kreševo.** Prema planiranim sredstvima u Programu, zaključit će se godišnji Ugovor.

4.2. Izrada i postavljanje vertikalne saobraćajne signalizacije u gradu

i mjesnim zajednicama - 15.000,00 KM

Vertikalnu saobraćajnu signalizacija na postojećim saobraćajnicama potrebno je nadopunjavati, postavljati nove znakove vršiti izmjenu oštećenih i zastarjelih saobraćajnih znakova.

Takođe izmjena režima saobraćaja, zaustavljanje saobraćaja, usklađivanje saobraćaja iziskuju postavljanje nove i privremene saobraćajne signalizacije.

Nastaviće se i dalje sa ugradnjom saobraćajnih oznaka kako bi se poboljšala sigurnost učesnika u saobraćaju, naročito pješaka i učenika u blizini školskih objekata.

Po usvajanju Programa, potrebno je provesti proceduru javne nabavke za odabir izvođača radova.

4.3. Postavljanje i skidanje montažno-demontažnih usporivača brzine

na saobraćajnicama - 10.000,00KM

Kako bi se prilagodila brzina vožnje na gradskim saobraćajnicama, posebno u blizini pješačkih prelaza i frekventnih lokaliteta, postavljaju se montažne ležeće prepreke. I dalje će se vršiti montaža gumenih prepreka na saobraćajnicama i to na kritičnim mjestima i u blizini školskih objekata.

Montažni usporivači brzine se skidaju u toku zimske sezone i ponovno postavljaju u proljeće. Vršenje usluga montaže i demontaže usporivača brzine biće povjeren preduzeću J.P. Vodokom.

4.4. Rekonstrukcija stepeništa, ograda, rukohvata i drugi nepredviđeni radovi- 25.000,00 KM

Ovom pozicijom predviđaju se radovi na rekonstrukciji ili sanaciji manjih oštećenja na trotoarima, stazama i stepeništima. Na mjestima gdje se ukaže potreba pristupit će se izgradnji novih stepenica i pješačkih staza, te ugradnji rampi za osobe sa posebnim potrebama.

Zbog dotrajalosti sigurnosnih ograda i rukohvata potrebno je postavljati nove ograde kao što je urađeno u glavnoj ulici, ili sanirati postojeće.

Takođe će se obratiti pažnja na sanaciju obrušenih i opasnih manjih potpornih zidova a sve radi sigurnosti građana.

5. Dekoracija općine - 13.000,00 KM

5.1. Postavljanje transparentata i zastava za državne, međunarodne i vjerske praznike i ukrašavanje područja općine - 10.000,00KM

Uoči praznika i prilikom drugih manifestacija na području općine postavljaju se adekvatni transparenti, zastave, natpisi i druga obilježja, na istaknutim mjestima. Takođe se vrši ukrašavanje grada uoči novogodišnjih praznika. Nakon skidanja transparentata vrši se pranje istih i popravka oštećenih.

5.2. Nabavka novih transparentata, zastava i ukrasa - 3.000,00 KM

Nepovoljni vremenski uvjeti uzrokuju i dotrajalost zastava, transparentata i dr.

Povremeno je potrebno je vršiti nabavku novih transparentata i zastava, štapova, konopa i dr.. Zbogotuđenja i dotrajalosti novogodišnjih ukrasa neophodno je vršiti nabavku novih.

6. Održavanje spomen obilježja –10.000,00 KM

Redovno se vrši čišćenje, pobiranje otpadaka, metenje, prilaznih staza i ograda u gradskom parku i oko spomen obilježja. Naročito prilikom manifestacija i dana obilježavanja pomena poginulim borcima, vrši se detaljno čišćenje i pranje, postavljanje zastava na jarbole i uređenje zelenila kako u gradskim parkovima tako i naspomenicima u Poljanima, Semizovcu i dr.

7. Održavanje postojeće urbane opreme u gradu i nabavka nove - 55.000,00KM

7.1. Održavanje postojeće urbane opreme -40.000,00 KM

U ovu poziciju spada redovno održavanje postojećih sportskih poligona i dječijih igrališta. Vrše se reparacija oštećenih koševa, ograda, naprava za igru djece, klupi, korpica za otpatke.

Naprave za igru djece demontiraju se u zimskom periodu, a potom ponovno postavljaju u proljeće. Nakon zimske sezone potrebno je reparirati oštećene parkovske klupe, mjenjati oštećene drvenedijelove i vršiti zaštitno farbanje. Kako je sve više novougrađene urbane opreme u gradu tako i potreba za održavanjem iste raste iz godine u godinu.

7.2 Nabavka urbane opreme - 15.000,00 KM

U okviru planiranih sredstava potrebno je izvršiti nabavku još parkovskih klupa, kanti za otpatke i druge urbane opreme koja će biti postavljene na mjestima gdje nedostaje u gradu. Po potrebi se vrši nabavka žardinjera i druge urbane opreme. Takođe i održavanje gradske fontane često iziskuje nabavku novih dijelova.

8. Izgradnja potpornog zida i parkinga ispred zgrade K15 – 26.501,40 KM

Projekat je planiran Programom utroška sredstava od komunalne naknade za 2019. godinu na osnovu zahtjeva i Idejnog rješenja stanara zgrade K15. Nakon provedene procedure u otvorenom postupku javne nabavke sklopljen je ugovor o izvođenju radova sa društvom „Trgošped“ d.o.o. Kakanj. Izvođač radova je bio uveden u posao u novembru 2019. godine ali se prilikom iskopa zemlje za temelj potpornog zida naišlo na podzemne instalacije grijanja. Kako se bližio kraj građevinske sezone i budžetske godine JP Grijanje nije bilo u mogućnosti izmiještati odnosno mijenjati instalacije tako da je ugovor ostao za realizaciju u 2020. godini. Kako nije realizovan ni u 2020. godini (JP „Grijanje“ nije u tom dijelu grada uradilo rekonstrukciju svojih instalacija) planiran je za 2021. godinu

9. Odvodnja oborinske kanalizacije u ulici Rudarska – 10.654,00 KM

Projekat je planiran Programom utroška sredstava od komunalne naknade za 2019. godinu. Ugovor o izvođenju radova sklopljen je sa društvom „Trgošped“ d.o.o. Kakanj na osnovu Okvirnog sporazuma za održavanje cesta (zbog povoljne cijene kanizacionih cijevi u Okvirnom sporazumu).

Prije planiranog početka radova Zavod je tražio od RMU „Kakanj“ saglasnost za izvođenje radova obzirom da planirana trasa kanizacionog voda prolazi parcelom k.č. 1035/1 k.o. Kakanj, krug Stare direkcije. Kako je saglasnost, uz određene uslove, izdata tek 30.12.2019. godine tako da je ugovor ostao za realizaciju u 2020. godini. Međutim u 2020. godini, nakon prodaje objekata „Rudstroja“ započeti su razni drugi radovi na tom lokalitetu koji su u koliziji sa našom trasom kanalizacije tako da su radovi odgođeni za 2021. godinu.

10. Završetak radova na izgradnji parkinga kod Veterinarske stanice – 13.109,54 KM

Tokom 2019. godine izvršeni su radovi na izgradnji parkinga kod Veterinarske stanice ali je opredjeljeni iznos bio nedovoljan za kompletan projekat tako da projekat nije završen. Tokom 2020. godine provedena je procedura javne nabavke i sklopljen ugovor o izvođenju radova. Predložena sredstva su dovoljna da se asfaltira prilaz parkingu sa saobraćajnice u ul.7. Muslimanske brigade.

11. Rekonstrukcija ceste na Plandištu – denivelacija – 44.928,00 KM

U blizini raskrsnice (srpsko groblje- Bare) na Plandištu, malo dalje o od kuće Mušija M., već godinama stoji neriješena konkavna denivelacija ceste na kojoj se skuplja voda i druge nečistoće. Urađena je i projektna dokumentacija za rješavanje odvodnje na ovoj dionici. Tokom 2020. godine provedena je procedura javne nabavke i sklopljen ugovor o izvođenju radova.

12. Sanacija ceste kroz Malješ – industrijski put – 29. 999,65 KM

Iako se radi o industrijskom putu koji nije vlasništvo Općine, Općina je već neoliko puta intervenisala i ulagala u sanacije ove ceste zbog građana kojima je to jedina komunikacija sa gradom.

Planirana sredstva će se realizovati na najkritičnijim dionicama ovog industrijskog puta, u saradnji sa mjesnom zajednicom.

Tokom 2020. godine provedena je procedura javne nabavke i sklopljen ugovor o izvođenju radova.

13. Završetak radova na izgradnji pristupne saobraćajnice prema stadionu Rudar – 44.932,07 KM

Tokom prethodnih godina Općina je obezbjedila projektnu dokumentaciju i potrebna odobrenja i saglasnosti za izgradnju ovog pristupnog puta. Završena je i I faza radova. Predloženim sredstvima bi se završili radovi na ovoj saobraćajnici.

Tokom 2020. godine provedena je procedura javne nabavke i sklopljen ugovor o izvođenju radova.

14. Rekonstrukcija ulica u MZ Kakanj II – 29.997, 88 KM

Zahtjevi MZ-e Kakanj II su se odnosili na veći broj ulica u ovoj MZ-i koje su u veoma lošem stanju, kojima je potrebna rekonstrukcija. Kao najprioritetnije su izdvojene ulica Rudi Čajavec i ulica iznad Šumoničke vode.

Tokom 2020. godine provedena je procedura javne nabavke i sklopljen ugovor o izvođenju radova

15. Izrada glavnog projekta mosta u Modrinju – 35.000,00 KM

Urađen je Idejni projekat i obezbjeđena uslovn nasaglasnost JP „Željeznice FBiH“. Za pripremu tenderske dokumentacije i projektnog zadatka za izradu glavnog projekta potrebna je prethodna vodna saglasnost.

Prema zakonu o vodama FBiH (Sl.novine FBiH“, broj: 70/6) rijeka Bosna spada u vodotoke I kategorije koja je u nadležnosti Agencije za vodno područje rijeke Save a za spomenutu saglasnost potrebna je Studija uticaja velikih voda rijeke Bosne ranga pojave Q 1/100 na objekat novog mosta

Studija je urađena i dostavljena Zavodu krajem decembra 2020. godine a zatim predata MZ-i koja je pokrenula postupak izdavanja prethodne vodne saglasnosti.

16. Asfaltiranje dionice puta u ulici Bratstva i jedinstva kod cementarskog mosta u dužini od 290. m - 40.000,00

Predloženi iznos predstavlja nastavak radova na asfaltiranju ove ulice. Prva faza je urađena 2020. godine. Takođe, ovim sredstvima bi se završili radovi na priključku ulice Bratstva i jedinstva sa industrijskom cestom kod cementarskog mosta, koji su započeti prije nekoliko godina.

17. Izrada pješačkog mosta naspram objekta „Ušće“ u ulici Branilaca (čelična konstrukcija) – 20.000,00 KM

Na inicijativu stanara zgrade „Ušće“ da se riješi problem pješačke staze koja je prekinuta na tom dijelu saobraćajnice, predloženo je da se izgradi pješački most preko rijeke Zgošće koji će povezati pješačku stazu s desne strane rijeke sa biciklističkom stazom i ulicom s lijeve strane rijeke.

18. Rješavanje izvorske i oborinske vode u mjestu Čobe – 15.000,00 KM

Na zahtjev mještana Čobe, MZ Bukovlje, predložen je navedeni iznos za rješavanje odvodnje na dijelu gdje se nalazi izvor vode „Sopot“ sa izgrađenim koritom za vodu pored puta ali bez riješene odvodnje od korita. Na dom dijelu i niveleta puta je niža tako da i oborinske vode se skupljaju upravo na tom dijelu i prilikom većih padavina bujica ide pravo na kuće koje se nalaze na nižoj koti. Predloženo je da se sve te vode usmjere u jedan šaht i odvedu cijevima do potoka koji je udaljen oko 150 metara.

19. Završetak kanalizacionog sistema (prečistač u Haljinićima) – 20.000,00 KM

Nakon izgradnje kanalizacionog sistema u Haljinićima ugrađen je i prvi prečistač fekalnih otpadnih voda na općini Kakanj. Za ovaj prečistač sredstva su obezbjeđena od strane Fonda za zaštitu okoliša FBiH i Općine Kakanj. Radovi na ugradnji prečistaća su koštali 257.500,00 KM Uređaj je pušten u funkciju i u toku je probni rad uređaja. Međutim, zbog ograničenih sredstava u fazi izrade tenderske dokumentacije, ugovorom o izvođenju radova na ugradnji

uređaja nisu obuhvaćeni radovi na uređenju zemljišta oko samog prečistaća. Obzirom da su korisnici uključili i oborinsku kanalizaciju pojavila se potreba za izradom tri kišna preliva da bi se u periodu većeg priliva oborina razređeni sastav kanalizacija prelio u recipijent.

20. Nabavka i postavljanje zaštitne mreže na kosinama puta Kakanj – Tršće – 20.000,00 KM

Na zahtjev organa koji se brinu o sigurnosti saobraćaja na cestama, na prijedlog privrednog društva koje radi na održavanju ceste i vijećničkih inicijativa predloženo je da se nastavi sa zaštitom kosina ugradnjom zaštitnih mreža na najkritičnijim mjestima, gdje su obrušavanja materijala i kamena najčešća. Predloženi iznos neće biti dovoljan za zaštitu kosina na cijeloj dionici ceste tako da bi trebalo planirati sredstva za ovu namjenu i u buduće a i kroz druge Programe.

21. Izgradnja saobraćajnice od ulice 7. muslimanske do kružnog toka naspram zgrade Općinskog suda i Policijske uprave – 454.878,00 KM

Izgradnja predmetne saobraćajnice je jedan od strateških ciljeva Općine Kakanj. Prethodnih godina su pokrenute aktivnosti na implementaciji ovog projekta, urađena projektna dokumentacija, riješeni imovinsko-pravni odnosi, izdata urbanistička saglasnost i odobrenje za gradnju.

Nova saobraćajnica spada u kategoriju glavnih gradskih saobraćajnica i znatno bi rasteretila postojeću gradsku saobraćajnicu i poboljšala saobraćaj unutar same gradske jezgre a time poboljšala sigurnost građana, smanjila buku i zagađenost, i obzirom da prolazi pored Doma zdravlja osigurala brži pristup i transport vozila Hitne pomoći.

Predračunska vrijednost ovog projekta je 1.200.000,00 KM pa predlažemo da u ovoj godini provedemo proceduru javne nabavke za cjelokupan projekat i sklopimo Okvirni sporazum sa najpovoljnijim ponuđačem a zatim u skladu sa odobrenim sredstvima sklapamo pojedinačne ugovore. Napominjemo da smo ovaj projekat aplicirali i prema višim nivoima vlasti kroz Program javnih investicija a takođe i prema UNDP-u na njihov javni poziv.

22. Dio troškova (plate, materijalni troškovi i usluge) - 648.200,00 KM

Ovi troškovi odnose se na bruto plate i naknade, naknade troškova zaposlenih. Zatim na doprinose na teret poslodavca, putne troškove, izdaci za naloge prevoza i utrošak goriva, za komunikacije i komunalne usluge.

U troškove su uključeni i nabavka materijala i sitnog inventara, nabavka imovine i opreme, izdaci za tekuće održavanje, usluge platnog prometa, ugovorene i druge posebne usluge.

23. Rezervna sredstva – 10.000,00 KM

Sredstva za ovu namjenu će se koristiti za finansiranje aktivnosti koje nisu planirane u Programu a takođe i za nepredviđene troškove i aktivnosti u okviru planiranih projekata.

OBRADIVAČ

Zavod za planiranje i izgradnju općine Kakanj

PREDLAGAČ

Općinski načelnik